



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 72. Nuptiæ inter Barrensem Ducem, & Catharinam Franciæ Regis
Sororem.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

nius Molinæ caussam jamjam a Consul-
toribus dijudicatam unice sese restrin-
geret: quapropter Avila prolixum e-
didit commentarium itidem summo Pon-
tifici nuncupatum, in quo ea, quæ Mo-
linæ imputabat, vere ab eo scripta fuisse
per plura testimonia ex ejus libro de-
cerpta comprobatum reddebat, rogans,
ut summus Pontifex ipsius dissertationi
interim suppressæ lucem, libertatemque
restitueret: de cetero autem omnia ju-
dicio, ac prudentiæ Sanctitatis suæ se
subjecturum spondebat, nec tamen suis
partibus defuerunt Jesuitæ, qui mox e-
dito libro Molinam defendendum susce-
perunt. Ita integer hic annus nonnisi
mutuis colloquiis, scriptis, atque alter-
cationibus insumebatur, quin adhuc,
quid genuine utraque pars in quæstione
de auxiliis sentiat, in aperto esset, nec
ulla pars in alterius sententiam descen-
deret.

§. LXXII.

*Nuptiæ inter Barrensem Ducem, &
Catharinam Franciæ Regis
Sororem.*

Exeunte mense Januario in Galliis nu-
ptiæ inter Henricum Lotharingium
Barrensem Ducem, & Catharinam Hen-
rici IV. Franciæ Regis Sororem, celebra-
tæ

*Daniel Hist.
de France to.
10. l'ann.
1599.*

Sæcul. XVI. tæ sunt; jam equidem inter utrumque
 A.C. 1599. pactis conditionibus de ineundo hoc
 Thuan. Hist. connubio agebatur: cum autem Catha-
 4. 122. rina non modo Calvini hæresi infecta
 Spond. ad sed etiam in tertio, quartoque confan-
 hunc ann. n. 8. guinitatis gradu sponso suo conjuncta
 esset, hinc summus Pontifex datis ad Do-
 cem literis eundem hortabatur, ut a
 præfati matrimonii proposito desisteret,
 nec illustrissimam Lotharingiorum do-
 mum Religionis studio celeberrimam
 incæltis ejusmodi nuptiis, ac hæreticæ
 pravitatis veneno inficeret: verum Dux
 impense Clementem Papam rogabat, ut
 legis gratiam facere vellet, eo autem
 firmiter reluctante, Lotharingius Regis
 Epist. Cath. offensionem veritus, necnon amplioris
 ad Plessium sortis dignitate illectus hoc connubium
 Et Plessii ad perficere statuit, spe fretus, fore, ut se-
 Cath. 30. mel contracto matrimonio non solum
 Maji 1599. dispensationis gratia facilius impetrari,
 sed etiam ipsamet sponsa ad cognoscen-
 dam veræ fidei veritatem ejurata Cal-
 vini hæresi perduci valeret: reluctaban-
 tur tamen omnes Franciæ Præsules, nul-
 lusque sine prævio summi Pontificis ab-
 sensu sponso solempni precatone con-
 jungere audebat: tandem vero Carolus
 Borbonius Rotomagensis Archiepisco-
 pus, Regisque Frater Spurius precum,
 minarumque importunitate expugna-
 tus Catharinam nec ab hæresi, nec a
 cogna-

cognitionis vinculo solutam Henrico ^{Sæcul.XVI.}
 Lotharingio copulabat: porro Dux, ut ^{A.C. 1599.}
 conjugem suam sensim a fidei errore a-
 verteret, postea illam frequentius im-
 pulit, ut cum Doctoribus Catholicis præ-
 cipue cum Patre Cammoletto Jesuita de
 Religionis nostræ articulis ageret: ve-
 rum Calvinistarum nonnulli, atque inter
 eos præprimis Philippus Plessius Mor-
 næus Catharinæ, apud quam plurimum
 gratia valebat, varios libros, atque epi-
 stolas hæretico veneno plenas studiose
 submiserunt, ut illam magis, magisque
 in suo errore firmarent: nec perverfis
 eorum conatibus prosper defuit succes-
 sus, quippe Ducissa adeo pertinaciter
 suæ sectæ insistebat, ut duntaxat suo
 Sponso complacendi studio ad fidei col-
 loquia accederet, & quondam ad suum
 Plessium jocans perscriberet, quod tunc,
 quamprimum ipse in Papam foret eli-
 gendus, ipsa Missam accedere vellet:
 attamen justo Dei judicio factum, ut
 quamvis summus Pontifex tertio post
 anno dispensationem concessisset, ipsa
 tamen illius beneficio haud frui posset,
 cum nuntius gratiæ factæ literas in Lo-
 tharingiam nonnisi post obitum hujus
 Principis deferret, quæ die decima ter-
 tia Februarii anno restauratæ salutis
 millesimo sexcentesimo tertio suæ hæ-
 resi immortalis periit,

§. LXXIII.